

(«Գրիվան հայոց պատմութիւն» (ԳԶՊ), Թ, էջ 55) և վերադառնալու էր Անգլիայի վրայով (ն. տ., էջ 97): Նվիրատրված արժեքները, ըստ նույն հրահանգի, նա Հնդկաստանից Անգլիայի վրայով ուղարկելու էր Պետերբուրգ՝ Փիլիպպոս Մանուշարյանին: «Գրիվան» Թ գրքում հրատարակված են տեր Ստեփանին հասցեագրված 2. ԱրղուՅյանի, ինչպես և նրա հաջորդի՝ Գրիգոր արքեպիսկոպոսի նամակները: Հնդկաստանում նա հանդիպել էր Էմինի հետ և լավ տպավորութիւն թողել նրա վրա: Վերադարձել է հավանորեն 1800 թ. (ԳԶՊ, Ե, Թիֆլիս, 1902, էջ 393):

5. Խոսքը վերաբերում է ուսու նշանավոր զորավար Ալեքսանդր Վասիլիչ Սուվորովին (1729—1800 թթ.):

6. Մինաս Ստեփանի Դիւնաշյանը Աստրախանի մեծահարուստներից էր: Նրա միջոցներով այդ քաղաքի հայկական գերեզմանատանը կառուցվել էր Ս. Հարության եկեղեցին, որն օծվել է 2. արք. ԱրղուՅյանի կողմից 1788 թ. նոյեմբերի 18-ին (Մաշտոցի անվ. Մատենագարան (ՄՄ) ձեռ. № 9647, էջ 34ա): Մ. Դիւնաշյանի կինը՝ Աննան, 1785 թ. ուսերևից թարգմանել և իր միջոցներով Պետերբուրգում, Գրիգոր Խաչարյանի տպարանում, հրատարակել է տվել «Սկզբունք քաղաքական ուսմանց» գիրքը:

7. Սիալ է նշված թվականը: Պետք է լինի՝ 1783, քանի որ խոսքը վերաբերում է Ռուսաստանի և Քարթլ-Կախեթի թագավորութան միջև կնքված Գեորգիևսկի դաշնագրին:

8. Քունան Դանուբ գետն է:

9. 2. ԱրղուՅյանն իր նամակում չի նշում, որ Իզմայիլը գրավելու ժամանակ ուսական զորքերը (զապորոժյան կազակները) ոչ միայն թալանել էին հայերին, այլև նրանցից սպանել 60 հոգու: 2. ԱրղուՅյանն իր հիշատակարանի մեջ Իզմայիլի գրավման ժամանակ սպանված թուրքերի թիվը նշում է 21 000, իսկ գերի ընկածներինը՝ 8 000 հոգի (ՄՄ, ձեռ. № 9647, էջ 6բ): Ըստ նրա, Իզմայիլում ապրել են 1650 հայեր (322 տուն), (նույն տեղում, էջ 7ա):

10. Խոսքը վերաբերում է ուսաց Եկատերինա II կայսրուհուն (1729—1796 թթ.):

11. 2. ԱրղուՅյանը հավանորեն տպարանը գնել է ուսական դրամով և էմինին ափելի հասկանալի դարձնելու համար արժեքը նշել թումաններով: Մեկ թումանն այն ժամանակ հավասար էր մեկ ուսական իմպերիալի կամ 15 թուրքական դուռուշի: 2000 թումանը մեծ գումար էր (այն տարիներին, օրինակ, Երևանում մեկ թումանով կարելի էր գնել մեկ գոմեշ), որանից մի քանի տարի անց՝ 1795 թ., Ղուկաս Կարնեցի կաթողիկոսը, փրկելով էջմիածինը Աղա Մահմադ շահի զորքերի ասպատակութանից, նրա կողոպտի՝ Ալի Ղուլի խանին, որպես կաշառք, տվել էր 4000 թուման (ՄՄ, ձեռ. № 4331, էջ 484բ):

12. Գրիգոր Խաչարյանը (մահացել է 1787 թ.). մշակութային գործիչ էր, տպարանատեր, ծնվել է Նոր Զուղայում: Կրթութունը ստացել է Ռուսաստանում, հետո մեկնել է Հրեղ-կաստան, որտեղից էլ՝ Անգլիա: Այնտեղ տպարան է հիմնադրել և փոխադրել Ռուսաստան: 1785 թ. պնած Պետերբուրգում լույս է ընծայել պատմութիւններ, աղոթագրքեր, դասագրքեր, օրացույց և այլն (Գառնիկ Ստեփանյան. Կենսագրական բառարան. հ. Բ, Երևան, 1981, էջ 37):

13. Հոհանջան Գերաբյանը հնդկահայ մեծահարուստներից էր, ազգային բարերար: Ապրում էր Սուրաթ քաղաքում և ակտիվորեն մասնակցում հայ ազատագրական շարժմանը: Նա նյութական օգնութիւն էր ցույց տվել Նոր Նախիջևանի բնակիչներին: 2. ԱրղուՅյանի կարգադրութիւնը նրա անունը փորագրվել էր մարմարի վրա և փակցվել Նոր Նախիջևանի դպրոցի պատին (ԳԶՊ, Թ, էջ 120): 1795 թ. 2. Գերաբյանը 2. ԱրղուՅյանին էր ուղարկել 4110 դուռուշ և հագուստեղեն (ն. տ., էջ 183): Նրա նվիրաբերած միջոցներով Ղուկաս կաթողիկոսը 1785 թ. վերականգնել էր էջմիածնի մայր տաճարի շրջապատի սալահատակը (Հով. Շահ-խաթունյանց. Ստորոգութիւն կաթողիկէ էջմիածնի և հինգ զավառացն Արարատա, հ. 2, էջմիածին, 1842, էջ 36): Մահացած պետք է լինի մինչև 1798 թ., քանի որ այդ թվականին Ղուկաս կաթողիկոսը նրա մահվան կապակցութիւնը ցավակցական նամակ է գրել դուստրերին (ԳԶՊ, Նոր շարք, Ա, Երևան, 1984, էջ 663):

14. Խաչիկ Առաքելյանը հնդկահայ մեծահարուստ էր, բարերար: Մնվել է Նոր Զուղայում, ապրել ու գործել Հնդկաստանում: Նրա միջոցներով էջմիածնի Ս. Գրիգոր Լուսավորչի անվան տպարանում 1779 թ. հրատարակվել է Սիմեոն Երևանցու «Պարտավաճարք», 1785 թ.՝ «Ժամագիրքը» և 1787 թ.՝ Հովսեփոս Փլաբիոսի «Յաղագս պատերազմին հրեից ընդ հովմայեցիս» գրքերը: Մահացել է 1785 թ. առաջ:

15. Արշակը Էմինի ավագ որդին էր, որի հետ հայրը մեծ հույսեր էր կապել և ձգտում